

農政全書卷之四十八

上海徐光啓原本

明

東陽張國維
穀城方岳貢
原刻

上海太原氏重刊

荒政

採周憲王救荒本草

草部

葉可食


剪 刀 股



剪刀股 生田野中、處處有之、塌地作科苗、葉似嫩
苦苣菜而細小、色頗似藍、亦有白汁、莖又稍間、開淡
黃花、葉味苦、

救飢 採苗葉、燂熟。水浸淘去苦味。油鹽調食。

婆 婆 指 甲 菜



婆婆指甲菜 生田野中、作地欒科、生莖細弱、葉像
女人指甲、又似初生棗葉、微薄細莖、稍間結小花蒴
苗、葉味甘、

救飢 採嫩苗、葉燂熟、油鹽調食、

鐵

桿

蒿



鐵桿蒿 生田野中、苗莖高二三尺、葉似獨掃葉、微肥短、又似扁蓄葉而短小、分生莖叉、稍間開淡紫花、黃心、葉味苦、

救飢 採葉燂熟、淘去苦味、油鹽調食。

鐵


山 甜 菜



山甜菜 生密縣韶華山山谷中、苗高二三尺、莖青
白色、葉似初生綿花葉而窄、花又頗淺、其莖葉間開
五瓣淡紫花、結子如枸杞子、生則青、熟則紅色、葉味
苦、

救飢 採葉燂熟。換水浸。淘去苦味。油鹽調食。

水 蘇 子



水蘇子 生下溼地，莖淡紫色，對生莖，葉亦對生，其葉似地瓜葉而窄，邊有花鋸齒，三叉尖葉下，兩傍又有小叉葉，稍開花黃色，其葉微辛。

救飢 採苗葉，燂熟，油鹽調食。


菜花風



風花菜 生田野中，苗高二尺餘，葉似芥菜，葉而瘦長，又多花，又稍間開黃花，如芥菜花，味辛微苦。

救飢 採嫩苗，葉燂熟，換水浸，淘去苦味，油鹽調食。

腸兒驚



鵝兒腸 生許州水澤邊、就地妥莖而生、對節生葉、葉似踳豆葉而薄、又似佛指甲葉、微綃葉間、分生枝、又開白花、結子似葶藶子、其葉味甜、

救飢 採苗葉、燂熟、油鹽調食。

菜兒條粉



粉條兒菜 生田野中其葉初生就地叢生長則四散分垂葉似萱草葉而瘦細微短葉間攏莖開淡黃花葉甜

救飢 採葉燂熟淘洗淨油鹽調食